

圣武记

圣武记

聖武記卷四

邵陽魏源撰

乾隆蕩平準部記

準部自噶爾丹以後三世皆梟雄能用其衆至乾隆十年噶爾丹策零死而所部遂亂初策零有三子次子那木札爾以母貴嗣汗位童昏無行恣睢狂惑其同母女兄約束之稍長遂以讒幽其女兄多戮宰桑於是其女兄之夫與諸台吉攻殪之立其庶兄刺麻達爾札而大小策零兩部裔則謀擁立其弟策妄達什大小二策零者皆名敦多卜準夷同族台吉以謀勇爲策妄父子兩世將兵西破衛藏東摧蒙古者也故大策零之孫達瓦齊與小策零之子達什達瓦等皆爲國人所嚮亦皆爲刺麻達爾札所忌俄策妄達什與達什達瓦復被翦鋤於是達瓦齊與

其黨阿睦撒納奔哈薩克阿睦撒納者故拉藏汗之孫丹衷之子而策
妄那布坦之外孫也丹衷妻策妄之女先生子班珠爾而丹衷被戮復
有遺腹改適輝特部酋生阿睦撒納長而狼戾陰狙見準部內亂欲搆
使自訐而已乘其釁初謀擁立策妄達什不遂復挾達瓦齊以逞刺麻
達爾札遣台吉將兵三萬搜討二人於哈薩克期必獲以除後患阿睦
撒納遁回舊游牧地而潛簡精銳千有五百由圖勒奇山路裹糧晝伏
夜行突入伊犁誘其腹心爲內應遂襲殺刺麻達爾札以已和碩特種
國人未附乃推立達瓦齊爲汗達瓦齊族貴而無能旋爲小策零之孫
濟噶爾所攻敗兩酋爭立各徵兵于諸部諸部落莫知適從國中大亂
阿睦撒納復爲誘除濟噶爾而還達瓦齊于伊犁恃功益驕桀初四衛
拉兵伊犁最强阿睦薩納時爲輝特台吉尼雅爾

雅爾卽塔爾巴哈臺在伊
犁極北與哈薩克連界塔

爾巴哈臺蒙古語多水獺
也在伊犁東北一千九百里

其同母兄班珠爾爲和碩特台吉居庫爾烏蘇

又取都爾伯特台吉達什之女乃襲殺達什脅降其子納默庫而自選

帳於額爾齊斯河

額爾齊斯河者回語道緊之謂言其河水湍溜駛急也在阿爾泰山之南二百里科布多之西三百餘里在雅爾之東烏魯木齊之

北各八百餘里平定後爲屯田之所

阿睦撒納令行三部遂侵掠伊犁邊境二人復大隙達

瓦齊三遣兵討之皆不克乃自領精兵三萬壓額爾齊斯河又使其驍

將瑪木特將烏梁海兵八千東西夾攻阿睦撒納不能抗遂與納默庫

班珠爾二台吉共率所部兵二千口二萬東奔叩關內附時乾隆十九

年秋也初達什達瓦之死其宰桑薩喇爾等率千戶來降達瓦齊之篡

其杜爾伯特台吉三車稜等率三千戶來降

上詢悉其內亂先

封降人卹部衆並調西北二路土馬屯邊而阿睦撒納復率輝特和碩

特杜爾伯特三部至

上久知其爲部衆所畏服可策嚮導且

天時人事輻輳宜乘機大舉雪

兩朝之憤詢謀于廷羣疑繚繚懲

雍正九年博克托嶺之敗以深入爲險惟大學士傅恆主用間出征與

上意合尙書舒赫德定邊左副將軍策楞奉命收降輒請留其

頭目於烏里雅蘇臺軍營而部落悉內徙使不得聚而生變

上

斥其猜貳嚴譴之以尙書班第往代俾暫游牧於喀爾喀之札卜堪河

札卜堪河受烏里雅蘇河之水西流至科布多境入于泊一作札卜噶

阿睦撒納入覲熱河備言伊犁可取狀

上大喜封親王其二台吉皆郡王旣而準部驍將瑪木特見諸

台吉相踵內附必召大兵知準噶爾事不可爲達瓦齊不可輔亦脫身

來歸于是準部爪牙心腹盡至且指畫準部形勢如在目睫定議明秋

大舉直搗伊犁阿睦撒納及瑪木特以爲塞外秋獮時我馬肥彼馬亦

肥不如於春月乘其未備且不能遠遁可一戰禽之無後患又準部東

境以額爾齊斯河與中國爲界本杜爾伯特原屯地近接阿爾泰山可

屯田備餉

杜爾伯特衆業耕牧非準噶爾專事游牧者比故策妄父子入寇時其兵皆屯額爾齊斯二河以其可就餉且與科布多阿爾泰近也

宜

先遣兵萬人據形勢而大兵二萬整隊繼進

上從之二十年二月

兩路出師班第爲定北將軍出北路阿睦撒納副之額駙科爾沁親王
色布騰郡王成袞雜布內大臣瑪木特爲叅贊永常爲定西將軍出西
路薩賴爾副之郡王班珠爾貝勒札拉豐阿內大臣鄂容安爲叅贊兩
副將軍各領前鋒三千先進將軍參贊繼之降人三車稜納默庫等皆
以所部兵從兩路軍各二萬五千馬七萬匹西路出巴里坤北路出烏
里雅蘇臺各攜兩月兵糧約會於博羅塔拉河

博羅塔拉河在伊犁東北三百里爲南北兩路會合之區

山川水草形勢皆勝故阿逆叛後卽踞此地以號召南北

時兩副將軍皆準夷渠帥建其舊纛先進各部

落望風崩角其同族大台吉噶爾藏多爾濟及舊回酋和卓木先後迎

降於是所至台吉宰桑或數百戶或千餘戶攜餽獻羊馬絡繹道左
師行數千里無一人抗顏行者瀚海舊少雨至是則大雷雨以五月朔
長驅至博羅塔拉河距伊犁三百餘里兩軍皆會達瓦齊素縱酒不設
備至是倉卒急遣親信兩宰桑出令箭徵兵而自率宿衛親兵萬人走
保伊犁西北百八十里之格登山阻淖爲營我師遮獲其徵兵之宰桑
具悉國中解體狀士氣倍奮爭渡伊犁河長驅追襲將及格登山夜遣
降夷阿玉錫等率二十餘騎往覘道路阿玉錫卽乘夜突搗其營拍馬
橫矛舉燾大呼賊瓦解達瓦齊以二千餘人宵遁餘皆不戰降黎明我
二十餘騎遂收其衆七千餘還大營達瓦齊踰冰嶺南走回疆其下半
途逃散僅餘百騎以烏什城阿奇伯木克霍吉斯爲已所善投之而霍
吉斯已承我將軍檄卽執之以獻并獲前青海叛賊羅卜藏丹津獻俘

京師

上御午門樓受之皆赦其死論功行賞首獎大學士傅

恒襄贊之功再加封一等公固辭不受班第封一等誠勇公薩賴爾一

等超勇公而阿睦撒納晉封雙親王食親王雙俸其後達瓦齊霍吉斯

亦皆賜封親王郡王入旗籍又釋放回酋大小和卓兄弟在伊犁者使

歸舊部於是天山南北二路皆不血刃而定初四衛拉之分部也綽羅

斯治伊犁和碩特治烏魯木齊

和碩特自固始汗東徙青海後其烏魯木齊舊地遂爲準噶爾諸台吉公牧之所

都爾

伯特治額爾齊斯土爾扈特治雅爾土爾扈特北去輝特治之部各有

汗非有君臣之分也自綽羅斯渾台吉汗強盛伊犁始爲四部盟長抗

衡中國者數世

上欲俟事定仍衆建而分其力而阿睦撒納志

未饜必欲爲四部總台吉專制西域特欲出自

朝命則無後患乃

自昵于額駙科爾沁親王使與班第爲難而以已情託其歸奏時班第

鄂容安留伊犁籌善後阿睦撒納輒隱以總汗自處擅誅殺擄掠擅調兵不服賜衣翎頂不用副將軍印自用渾台吉菊形篆印移檄各部落諱其降言統領滿漢蒙古兵來平此地又陰使哈薩克布魯特流言非已總四部邊不得安與其黨曉夜聚謀詭秘叵測將軍叅贊先後密以聞前有

旨令阿睦撒納九月至熱河行飲至禮同四部台吉受封而阿睦撒納前與額駙約期七月下旬俟命額駙歸不敢奏至期無信而入覲期迫班第乃趣之行令喀爾喀親王額林沁多爾濟與之俱旋奉旨以阿睦撒納逆形已著宜乘其未發誅之如已入朝可追及則追誅之時阿睦撒納已就道且有哈薩克貢使隨行班第恐哈薩克驚疑遂不敢發阿睦撒納中途遷延及八月中旬尙無信疑事且中變十九日行至烏隆古河距其札布堪河舊游牧不遠乃詭言暫歸治裝

以副將軍印交額林沁使先行有降夷首其謀額林沁不信竟縱之去
由額爾齊斯河間道北逸遣使迎其孥於札布堪河則

上已密

諭烏里雅蘇臺軍營并其弟班珠爾收之不半日而賊使果至得不遣
賊四出煽亂伊犁諸刺麻宰桑劫掠軍臺蠱起應之時大兵已撤僅五
百兵留伊犁歸路斷又厄魯特與賊不合者賊皆先以計遣入朝所留
皆其黨羽班第鄂容安等力戰走二百餘里被圍死之時阿逆黨羽不
過二千餘屯博羅塔拉河各部皆不敢從副將喇薩喇爾陷賊中復潛
約宰桑刺麻與戰而將軍永常西路勁兵數千屯烏魯木齊附近台吉
宰桑數千咸投赴使驅策用之兼程進剿立可撲滅永常反疑拒退卻
自木壘南退軍至巴里坤并移軍糧於哈密故北路無聲援賊益猖獗
上乃以先後勅除阿逆密旨及班第等狐疑之章奏宣示中外

黜額駙親王爵赴軍効力賜額林沁自盡逮永常治罪以策楞代之王

保富德達爾黨阿爲叅贊兩路過進討賊明年正月大兵長驅至特克

勒河探知阿逆僅距一程

以下皆稱阿逆

急進猶可追及忽有報台吉諾爾布

已禽阿逆來獻者玉保遂駐軍待之先以紅旗報捷於策楞策楞亦卽轉遞至京不知報擒賊者卽賊所遣以緩師也二月兵至伊犁賊已遁入哈薩克將軍叅贊互相咎托言馬力竭頓師伊犁不進

上以

諸臣皆非任事才特命大學士傅恆馳視西師召集諸台吉會盟驅策進討中途復召還五月禡策楞玉保職以達爾黨阿哈達哈代之兼命兆惠自巴里坤赴援達爾黨阿出西路擊敗哈薩克二千賊阿逆易服潛遁我兵追及相隔一谷僅二三里賊倉卒不及駝載忽有哈薩克人來言卽欲禽獻但需其汗至乞暫緩師待時我師爭欲進捕而達爾黨

阿達下令駐軍不知言欲禽阿逆者又卽阿逆所詭遣也阿逆復徐颺去檄索往還頓兵數月無要領而哈達哈出北路遇阿布賚兵千餘于巴顏山不迎擊聽其颺逸諸從征降夷宰桑見兩將軍見賁無能皆輕之又適有喀爾喀撤臺之事事具前綏服蒙古記于是各降夷亦皆變初去年秋

上封諸降夷台吉於熱河噶爾藏爲綽羅斯特汗沙克都爲和碩特汗巴雅爾爲輝特汗其杜爾伯特本封阿逆及叛後改封車梭爲汗其餘宰桑等各授官賚幣皆願歸發所部兵從征及見軍屢受欺郵臺內變有輕我心綽羅斯特輝特二部及哈薩克先叛都統和起被誘殲焉阿逆聞四部構亂亦自哈薩克歸會諸賊于博羅格拉河欲自立爲汗準部復大擾亂策楞玉保逮聞亦被害於途將軍達爾黨阿等尋皆被逮定邊右副將軍兆惠以千五百兵駐防伊犁聞變自

濟爾噶朗河轉戰而南自十一月啓行戰於鄂壘戰於庫圖齊戰於達勒奇前後殺賊數千二十二年正月至烏魯木齊諸賊皆會連日數十百戰我兵無不一當百皆步行冰雪淖中履襪不完食瘦駝疲馬且將盡二十二日至特訥格不復能衝擊乃結營自固時天大風雪驛傳聲息格不相聞會

上先命侍衛圖倫楚率巴里坤兵二千間道往剿以三十日至軍圍乃解兆惠得新兵復往剿巴雅爾部落始回巴里坤

上以準部諸酋甫受封賞歸輒叛知厄魯特人皆不可德懷三月命定邊左副將軍成袞札布出北路右副將軍兆惠出西路大剿之會諸部落亦自相吞噬綽羅特汗爲其兄子噶爾布所篡台吉達瓦旋殺噶爾布厄魯特向不出痘至是則痘疫盛行死亡相望兆惠兵復長驅至各烏合賊皆敗走逆酋先後授首惟阿逆未獲六月兆惠富德

等窮追至左哈薩克時哈薩克汗阿布賚已與阿逆積讎且懼招大兵遣使入貢誓禽阿逆以獻適阿逆率二十人往投阿布賚先使人收其馬阿逆驚攜八人徒步夜走俄羅斯界我朝移檄索之是冬報阿逆患痘死移尸近邊命喀爾喀親王侍郎三泰等馳驗以聞於是命成衮札布以定邊左副將軍歸鎮烏里雅蘇臺

時察罕度爾大營改設于烏里雅蘇臺

而兆惠富德

留軍度冬是年迎降之鄂拓克等軍過輒復叛并誘陷都統滿福于是二十三年春命率兵四千再剿漏網之厄魯特時各賊衆聚分四支每支各一二千伺間出沒乃議兆惠由博羅布爾富德由賽里木分兩翼圍獵約相會於伊犁皆分數路無大隊所至獮薶搜山網谷及明年兩將軍南赴回疆又命親王策布登札布繼之又明年舒赫德阿桂等繼之並歷年剿掠臺站之瑪哈沁與煽亂助逆之刺麻櫛比擒馘無孑遺

焉計厄魯特四部中惟杜爾伯特部徙科布多以東之拜達里克河以車稜始終無二且以兵擒納默庫有功獲保全又達什達瓦之妻當伊犁椒擾先率所部叩關來投徙熱河編旅籍又舍楞率所部二千餘竄土爾扈特皆得追誅而和碩特之沙克都汗不從各酋之叛率所部四千人自拔內投巴里坤復爲都統雅爾沙善襲坑之

上旋鑒其

枉于四部中爲不幸論者謂厄魯特之一大劫則固非無因而然也初

準部有宰桑六十二

宰桑者管事宜

新舊鄂拓二十四

鄂拓克爲其汗之部屬新舊各十二

昂吉二十

昂吉者分支也乃各一

台吉所有之戶下

集賽九

專辦供養喇嘛事務

共計二十餘萬戶六十餘萬口

獮其性封豕其能不作賊者不齒於人數一人能刦數人者爲壯士能勞苦勇戰鬪各回城及哈薩克一聞其至則闔匿奔竄虜掠驅載惟所欲相詈者至以伯厄魯特爲詬厲其民則爾汗又甚之專假昏媾以吞

噬與國昏青海以青海昏拉藏戕拉藏昏土爾扈特逐土爾扈特昏都爾伯特并都爾伯特世濟其凶狠生驅驅生貔致我

一祖

二宗三朝西顧盱食以席戍塞防秋中國耗弊

仁廟

憲廟屢集廷議皆有此賊不滅天下不安之

諭數窮理極天鍾一

阿睦撒納以傾覆之

王師初入兵不血刃矢不再發而天不許也

王師再入師則屢次壘則再因而天又不許也幾大幸又幾大不幸一

激再激以致我

朝之赫怒

帝怒于上將帥怒于下合圍掩羣

頓天網而大獮之窮奇渾沌梲杌鬻鬻之羣天無所訴地無所容自作自受必使無遺育逸種於故地而後已計數十萬戶中先痘死者十之四繼竄入俄羅斯哈薩克者十之二卒殲于大兵者十之三除婦孺充賞外至今惟來降受屯之厄魯特若干戶編設佐領昂吉此外數千里